

Broj: 13/04-02-3-1683-1/22 S.K.
Sarajevo, 15.11.2022. godine

**BOSNA I HERCEGOVINA
FEDERACIJA BOSNE I HERCEGOVINE**

**PARLAMENT FEDERACIJE
ZASTUPNIČKI/PREDSTAVNIČKI DOM**

Tajnik/Sekretar
n/p Ivan Miličević, tajnik
Ul. Hamdije Kreševljakovića broj 3
71 000 SARAJEVO

VLADA

Generalni sekretarijat Vlade Federacije BiH
n/p mr.sci. Edita Kalajdžić, sekretar Vlade
Ul. Hamdije Čemerlića broj 2
71 000 SARAJEVO

Prilaznik:	21-11-2022
Org. jed.	Broj
05/11	-02-
	279
	122
	Vrijednost

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

PREDMET: Odgovor na zastupničko pitanje, dostavlja se

VEZA: Akt Parlamenta Federacije BiH, Zastupničkog doma broj: 05/1-02-279/22 od 07.11.2022. godine i akt Vlade Federacije BiH broj:03-04-644/22 od 09.11.2022. godine

U vezi sa zastupničkim pitanjem, broj i datum kao u vezi, koje je Poreznoj upravi Federacije Bosne i Hercegovine uputila Miomirka Melank zastupnica u Zastupničkom domu Parlamenta Federacije BiH, kojim se od Porezne uprave Federacije BiH traži informacija da li je Porezna uprava Federacije BiH omogućila uvođenje obrasca JS 3320 u sistem i implementaciju Zakona o izmjenama i dopunama Zakona o Jedinstvenom sistemu registracije, kontrole i naplate doprinosa, dajemo sljedeći odgovor:

U obrazloženju postavljenog pitanja navedeno je da je bez implementacije navedenog nemoguće registrovat naplatu poreza i doprinosa koje Kanton Sarajevo uplaćuje za istaknute slobodne umjetnike. Tako neki već godinama čekaju da im se evidentira staž i obračuna penzija, a drugi čije uplate tek dospijevaju, imaju isti problem. Zakon je donijet prije godinu dana, a umjetnice i umjetnici Kantona Sarajevo još uvijek ne mogu ostvariti svoja prava po ovom osnovu.

Nesporna je činjenica da problem prijavljivanja osiguranja i uplate doprinosa za samostalne istaknute umjetnike datira još od 01.01.2011. godine, kada je shodno Zakonu o jedinstvenom sistemu registracije, kontrole i naplate doprinosa Porezna uprava preuzela sva otvorena osiguranja od nadležnih fondova kao i prijavno odjavni segment po osnovu osiguranja i kontrole uplate doprinosa po osiguranicima.

U ranijem periodu Porezna uprava je više puta ukazivala da zakonskim i podzakonskim propisima nije propisana prijava, obrazac, putem koje bi Porezna uprava Federacije BiH bila obaviještena o uplati doprinosa po imenu i prezimenu za osiguranike istaknute umjetnike i koje bi ista dostavila nadležnim fondovima.

Takođe Porezna uprava se obraćala i Federalnom ministarstvu finansija za iznalaženje rješenja za istaknute umjetnike kako bi istaknuti umjetnici nesmetano mogli da ostvare prava iz penzionog i zdravstvenog osiguranja.

Zbog navedenog donesen je Zakon o izmjenama i dopuni Zakona o jedinstvenom sistemu registracije, kontrole i naplate doprinosa („Službene novine Federacije BiH“, broj: 96/21 od 01.12.2021. godine) u kome je propisana nova mjesečna prijava doprinosa i to: JS 3320 Prijava uplaćenih doprinosa za lica osigurana po drugim osnovama, koja bi se koristila za prijavljivanje uplaćenih doprinosa za istaknute umjetnike.

Pravilnikom o izmjenama i dopunama Pravilnika o podnošenju prijave za upis i promjene upisa u jedinstveni sistem registracije, kontrole i naplate doprinosa („Službene novine Federacije BiH“, broj: 105/21 od 29.12.2021. godine) propisan je obrazac JS 3320 Prijava uplaćenih doprinosa za lica osigurana po drugim osnovama i isti je u prilogu Pravilnika i čini njegov sastavni dio.

Shodno navedenom, po objavi obrasca u decembru 2021. godine prvenstveno je bilo potrebno u Poreznoj upravi implementirati novu prijavu, a što je iziskivalo finansijska sredstva i provođenje postupka javnih nabavki za izbor ponuđača.

Kako u prvom kvartalu nije bio usvojen Budžet za 2022. godinu Porezna uprava nije mogla pokrenuti odmah aktivnosti na implementaciji navedene prijave, osim što je ista pripremila projektni zadatak.

Po usvajanju Budžeta Porezna uprava je pokrenula aktivnosti kroz pokretanje postupka javnih nabavki za izbor eksternog ponuđača na doradi programa i izradi programskih rješenja kako bi se mogla implementirati prijava JS 3320.

U postupku javne nabavke „Adaptivni zahtjevi za softverska rješenja koja su podrška poslovnim procesima u Poreznoj upravi Federacije BiH u cilju potrebnih izmjena: „Implementacija procesa koje uzrokuje dostavljanje obrasca JS3320 od strane obveznika uplate doprinosa u Jedinstvenom sistemu prema Poreznoj upravi Federacije BiH zaključen je ugovor sa „COMTRADE SYSTEM INTEGRATION“ d.o.o. Sarajevo koji je stupio na pravnu snagu 17.10.2022. godine sa rokom izvršenja do 31.12.2022. godine.

Shodno navedenom, u kooperaciji sa eksternim izvođačem programskih rješenja po navedenoj izmjeni i dopuni Zakona o Jedinstvenom sistemu registracije, kontrole i naplate doprinosa očekujemo implementaciju do kraja 2022. godine.

Napominjemo da gotovo svako donošenje i izmjena zakonskih propisa, čija je provedba u nadležnosti Porezne uprave Federacije BiH utiče na izmjenu programskih rješenja koja prate poslovne procese Porezne uprave, a samim tim i neophodna finansijska sredstva i kadrovska rješenja.

S poštovanjem,

Dostaviti:
1. Naslovu
2. U spis
3. a/a


DIREKTOR
Mr. sci. Šerif Isović